

HOUTMAN, H., Mit et waeter veur de dokter!
Ienakter in 2 taferien~~en~~.

0.71

Mit et waeter veur de dokter!

Speulers: Boris Volkov, de hadrieder (de langste rol)
Natasja, zien vrundinne
Olga, de moeke van Boris

Bo
Na
Ol

Eerste dial: RUSLAAND

Teniel; sobere Russische huuskaemer.
(begin bi'jgeelieks mit russische muziek, die langzem
terogge dri jt wodt.)

Bo; (zit an de taofel brinta te eten)

Na: (komt stille op) Smaekt et Boris? Smaekt de Brinta?

Bo; (schrikt wat) O, was ie daor. 't Gaot, mien lieve Natasja. 't Is
omda'k spierkracht ontwikkelen moet, mar eers mocht et van mi'j
deur de geutstien!

Na: (kloot him op 'e schoolder) Nog een weekien volholen en ie bin
Wereldkampioen. (gaot bi'j him zitten)

Bo; Dat moet allemaole nog. Na; Jow bin de vlogste van de wereld.

Bo: Dat is niet waar. Ik hebbe laestdaegs in Alma Ata een vlogge tied
daele zet, mar die Amerikaan en die iene Nederlander veural,
bin me aenlik nog de baos.

Na: En die Nederlander rit veur eigen publiek hé?

Bo: Dat is 't him now mar krek. Ik zal et wel niet haelen.

Na; Doe je best dan veur mi'j.

Bo: (kroept heur even an) Ik zal et perberen, mien lieverd.

Na;of doe et veur Gorbatsjov, oonze goeie parti'j-leider.
Aj' winnen zullen ze et hiele Rooie Plein veur je onder waeter
zetten. Op de grootste iesbaene van de wereld zullen we dan jow
overwinningsfeest vieren.

Bo: Dat kriej' nooit veur mekeer, een iesbaene op et Rooie Plein!

Na: D'r kan een protte sund de perestrojka.

Bo: Mar die Nederlander het veule beter tieden reden dan ikke.

Na: Daor moej' je niet ^{deur}van je stok cfbrengen laoten. Dat Nederland
is mar zo klein; daor kun ze krapan een vierhonderd-meter-baene
daele leggen!

Bo; Dan ken ie Nederland niet. In dat laand doen ze't overdekt!

Na: Wat doen ze daor overdekt? Brinta eten?

Bo; Nee, schaatsrieden, in Heerenveen, in Thielf. Daor moet ik winnen,
daor heb ik nog meer spierkracht veur neudig.

Na: En dat daenk ie te kragen deur de hiele dag Brinta te eten? Hoe-
veul bodden neem ie d'r wel niet op iene dag? Een stok of achte?

Bo: A'k uut bedde komme om 7 ure krieg ik drie, tussen de middag een
stok of viere en tegen de aovend nog es viere. Aj' goed teld
hebben bin dat d'r elf bodden vol.

Na: Ik kan je op een ere maniere nog meer spierkracht geven. (pakt een
flessien uut de buse) Kiek hier mar es!

Mit et waeter veur de dokter.

Speulers; Boris Volkov, de hadrieder.	(Bo)
Annet, de zuster bi'j de dopingcontrole	(An)
Testoster, dokter	(Tes)
Jan, winner van et zilver (hiel kotte rol)	(Ja)
Johnny, winner van et broons (kotte rol)	(Joh)

Twiede diel: Thiaf Stadion.

Teniel: de klie-doping-ruimte van iesstadion Thiaf.
een taafel mit wat potties, glassies (reageerbuusies), pepieren
en zo. (Ok een grote zuurtiesflesse bi'j de haand holen, eerst
onzichter veur et publiek) Een peer stoelen achter of naost
de taafel veur de dokter en zuster. Eventueel op et achter-
doek de bodties Heren en Dames (w.c's dus)

Anet en Boris kommen op, geaarmd.

Anet: Geweldig Boris, jong. (geft een tuut) Van hatte mit je wereld-
kampioenschap.

Bo: Daank je wel Annet, mar ik hebbe et ok an jow te daanken. Jow
bin de oflopen weke hiel lief veur me west.

An: Och, dat stelt niet veule veur; die prakkiess boerekool mit wost
en die peer bodden snert. En dat wasken van die peer onderboekies.

Bō; Mar in jow aarms vuulde ik me ok hiel ontspannen. Ik bin hiel
bliede mit jow. Wat gaot dat hier in t Westen toch anders.

An: Hoe bedoel ie dat. In Ruslaand bin toch ok aorige maegies. Of
heb ie daar nog nooit een maegien had?

Bo: Zuwwe't daar mar niet over hebben. Ik wodde opiens wat bange.

An: Bange? Waoromme dat toch?

Bō; We staon vlak veur de dopingcontrole en ik heb jow toch in et
geheim verteld over dat draenkien van mien....eh...moeder.

Na: Zit daar mar niet over in. Jow hebben verteld, dat et nao 5
daegen niet meer te vienen is. Gelukkig hebben jow mi'j, de
zuster bi'j de controle, troffen.

Bo; Ja, mar as d'r now nog een hiel klein spoortien in zit.

Na: Daar weet ik wel wat op. Jow moe'n niet te vlogge pissen. Jow
moe'n tied rekken. Ik zorg wel veur de rest.

Bo: Ik heb ok nog hielendal gien andrang.

Na: Mooi zo, mar gao now mar gauw vot. De dokter kan elk mement kommen.
Dokter Testoster is altded op'e tied. Vanaovend kuwe nog ge-
zellig even naopraoten. Wees mar niet bange.

Bo: Goed Annet, ik vertrouw op jow. (of)

An: (pakt nog et ien en aander uut heur tasse, varft de lippen nog
even en schikt et haar. Et is een opvalende ijdeltuit)

Tes: (op mit grote aktetasse/dokterstasse) Goeie middag zuster Jacqueliën

An: Ik bin zuster Annet, dokter, jow vrouw hiet van Jacqueliën.

Tes: Da's waar ok, ik hael jim altded deur mekeer.